



UNIVERSITÄTS-  
BIBLIOTHEK  
PADERBORN

**Semita Perfectionis Purgativa, Illuminativa, Et Unitiva**

**Dirckinck, Johann**

**Coloniae Agrippinae, 1705**

**VD18 15298639**

25. Jejunium.

---

---

**Nutzungsbedingungen**

[urn:nbn:de:hbz:466:1-55242](http://urn:nbn:de:hbz:466:1-55242)

PASSUS XXV.

Jejunium.

TEXTUS.

*Sanctificate jejunium. Joëlis c. 2.*

Cognitio.

**J**ejunium est insignis abstinentiae ager, ad bonum honestum ordinatus, nimirum ad concupiscentias carnis reprimendas, mentem ad contemplandas res cœlestes sublevandam, & satisfaciendum pro peccatis.  
S. Thom. 2. 2. q. 146.

Actus.

1. Jejunia præcepta observare, ut Quadragesimam, quatuor Tempora, & Vigilias.
2. Unicâ refectione contentum esse.
3. Nonnunquam addere jejunium ex devotione.

Consideratio.

Nemo non jejunium adamaret ac frequenteret ; si virtutem ejus & energiam perspiceret atque penetraret : nam I. Jejunium misericordiam Dei conciliat , orationem no-

nostram gratiorem efficit, carnis tentationes retundit, Angelis similes reddit, vitam prolongat. *Qui abstinent est, adjiciet vitam, corporis, animæ, gratiæ, gloriæ.* II. Innumera sunt sanctorum Patrum encodiaa jejunii, ex omnibus unum, duntaxat, in sero, ex S. Ambrosio, serm. de Elia & jejun. Quid est, inquit, jejunium, nisi substantia & imago vitæ cœlestis. Jejunium est refectio animæ, cibus mentis, vita Angelorum, mors culpæ, excidium delictorum, remedium salutis, radix gratiæ, fundamentum castitatis. III. Infinita sunt jejunantium & hanc virtutem jejunii expertorum exempla; quales fuere Moy-ses, Elias, Esther, Judith, magnus Christi Baptista Joannes, Apostoli, cum aliis innumeris. O si horum vestigia, pro modo meo, legerem!

### Petitio.

Domine, qui corporali jejunio, vitia comprimis, mentem elevas, virtutem largiris & præmia; gratiam jejunandi mihi concede, ut prædicta consequar, ad laudem & gloriam tuam sempiternam. Amen.

### Aspiraciones.

I. *Bona est oratio, cum jejunio & eleemosyna, magis, quam thesauros aurum recon-dere.* Tobiæ c. 12. 8.

156 SEMITA PERFECTIONIS.

II. *lejunemus*, ut *Passionis Christi particeps simus*. S. Chrysost. hom. 2. de jejunio.

III. *Da mihi Domine*, cum S. Joanne Baptista, cum S. Paulo, & aliis Apostolis, *servire tibi, in jejunijs multis.*

PASSUS XXVI.

Castitas.

TEXTUS.

*Hæc est voluntas Dei, sanctificatio vestra.* 1. Thess. c. 4. 3.

Cognitio.

**C**astitas, quæ & puritas; & sanctimonia, & sanctificatio nuncupatur, est virtus, quæ ab impuris voluptatibus abstinemus. Vel ut definit S. Augustinus: *In carne corruptibili incorruptionis perpetua meditatio.* L. de Virgin. c. 13.

Actus:

1. *Illicitos carnis actus eliminare.*
2. *Insurgentia carnis desideria elidere, cogitationesque carnales statim, non secus atque carbonem ignitum excutere.*
3. *Turpes corporis motus pro vinibus re-pri-*